

韻譚卷之四

和龔壬戌至丁卯

天門至 漉伯初父著集

琴川徐待聘廷珍父訂閱

西蜀廖起巘對鰲父同次

時在東省有懷華陽殿下寄言二律

黃鶴晴川入望悠舊遊回首幾登樓清光獨

對梁園月旅况常懷洞岳秋帝子桐封添奕

葉美人蘭佩隔江郵憂時祇爲邊烽急航海

梯山佐國籌

岱宗高聳接滄溟回首荆門萬壑青子建魏
都懷越鳥孔璋東野詠流星齋頭金薤函三
賦筆底龍蛇役百靈爲問君王相憶否衣裳
猶帶灑蘭馨

黎陽王在晉

壬戌仲夏再壽熊紫珍太守用客秋見壽

原韻

丹穴魚浮丹水光玉蒲九節正凝香吳天劍氣
占懸矢楚甸棠花對舉觴霖雨每隨隻鹿轂薰

風時颺五紵裳誰將信宿歌遵渚時聞公
有新命歲歲
題詩代躋堂

東玉山山人問夏卽之

知君畏友擅才華三楚聲名屬大家到處有情
多作賦隨時遣興半尋花剡溪相訪空如戴郢
雪難賡揔愧巴避暑若來重話舊蓮香亭上亦
烟霞

夏卽之春日灑曾偕友人遊吾山園時
值逃禪未及親叙昨吳玉山山人來會間

道及高雅且爲契厚因借以達詩筒卽之
亦應酬無緩刻余以懼暑未卽成晤先此

代面

君來澧時我未晤君訪我園日又暮迯禪未及
倒屣迎咫尺翻違心所慕君有故人我故人相
逢道君義氣真胸藏萬卷羅星斗筆揮隻字驚
鬼神亟欲相親恐難得先憑詩字問典則幾迴
往復情已親不似昔人賦偏側日來塵事轉炎
涪岸幘披襟底自嘲君亦應酬無停畧安能續

彼河朔交人心如面道何賴未面同心古稱最
今人亦與古人遊不必同時更同會君不見菊
之愛陶蓮愛周兩人千載契同儔今我契復有
蓮愛况能握手共綢繆

寄夏卽之

時欲卜居澧上

北遊偏愛蘭江前卜居偏愛桃林邊慚我不能
爲地主相逢聊寄買山錢

四志樓雅集夏卽之暨諸社友泛舟口占
解頤

音譜
卷之四
天啟之二年壬戌之歲次七月之既望渺焉興
古思壺觴聊以俱文星聚四志泛彼一葉舟彷彿
髯赤壁地明月不在天清風恰徐至窈窕有人
歌洞簫無客吹須臾六百年佳會良不易作賦
屬詞盟洗盞拚同醉

壬戌七月既望華陽大詞壇殿下召同繼
老登之玉山集四志樓續赤壁也酒酣口

占相示奉和

壬戌復壬戌二元二千次坡前坡後人幾個

餘情思六百歲主賓赤壁與四志言言復由
由杳然而易地快哉風滿舟輕是仙查至疎
雨下梧桐秋虫奏鼓吹十二萬年身景光良
不易四志老乾坤舉杯祝同醉

四志樓佳篇飄然清興步韻人功與天巧
不侔矣具稿求郢削

元豐壬戌後良會渺難次坡現名王身秋風
吹遠思橫睇六百年飛艇召同志赤壁笑前
遊烟痕汗天地衣袂生澧雲雨逼詩情至萬

竹皆笙竽安用洞簫吹玉人文酒場千生興
不易池蓮度晚香成此溪頭醉

夏之雋

奉賀華陽國主榮壽四袞二律

華陽洞裏數仙籌千歲纔添四十秋恩寵早
頒周爵祿文章元是漢王侯憐才下士賓常
滿白雪陽春曲獨優粵倩稱觴無長物十年
一度把桃偷

天開好景靄滄洲北望蘭江紫氣浮壬戌誕
逢庚戌月華陽仙遇灋陽樓當年赤壁乘槎
興此日朱門太乙舟把酒臨流能作賦龍蛇
動處海添籌

楊錫

奉賀敬翁賢殿下四十初度

菊英采采弄秋芳問我貽誰貽灋陽灋水諸
仙丹粒在秋風此日壽君王君王世世皆隆
準楚天半壁名堂堂東平善作傳家物河間
書成定樂章遙聞仙胎出海樹千齡一實引

立言
卷之四
五
瑤觴霧花已兆多男子會有長庚下帝鄉庭
前八公皆抱朴四旬訪道鍊中黃春秋應共
青山老長捧丹霄日月光

荆南陸師贄

奉賀華陽殿下千秋二律

祥鍾澧水颺虹樞慶溢朱門挂六弧
瑤島喜成千歲實瓊宮懽宴十眉圖
淇園松竹題應徧魯國岡陵頌不殊
珠履翩翩來紫府稱觴四座羨蓬壺

岩崑上瑞繞璇題帝里光浮壽域躋雲翰千
章璀璨綺霞觴三雅晃玻璃延齡况值金英
滿侑筭兼稱玉女齊一曲南飛申嶽祝好將
天酒醉鳧鷖

彭萬里

奉賀華陽國君四袞壽俚言五章

有引

古今惟尼父稱不惑若夫擁南面王樂
而四十無聞者豈少哉乃吾華陽國君
祥履冠諸藩且詩文久行海內又何偉

也此日頌聲滿途儁敢倣漢歌行賦將
進酒

將進酒俯秋英客車來集鳴鳥懽迎澹將四
十度蘭芷併作芳風坐上生君王詎云貴貴
賢聲一

將進酒呼友生墨光橫席狂花亂縈洞庭四
十度明月相映玄園性海清君王詎云美美
才名二

將進酒賀西征妖星落薰國胡運亦當傾乾

坤十萬年王氣長流河帶護神京邸第詎云
樂樂昇平三

將進酒禮太清方流來河漢霧采結英瓊彰
觀四十四福地名王常見佛重生庭階詎云
瑞瑞皇明四

將進酒祝長生家住淥圖國門來白髮英天
南八百龍沙長應勝緱山弄鳳笙色身詎云
壽壽宗盟五

夏之儁

壬戌九秋奉壽華陽殿下

生申崧嶽峻。挿戍斗杓熒。席啟千秋節。祥飛六策奠。花香金粟粒。菊泛玉壺醺。句奪長生魄。書傳太乙霧。萱堂呈五彩。繡水映三星。歛福符洪範。投懷識寧馨。余來徬瑤島。獻壽頌芝苓。

古吳熊秉鑑

題群仙聚會圖為吳玉山人壽華陽國君四袞令旦

群仙何事聚。靄槎結佩牽。纓度海涯鉄杖撥。開波底月冰壺湧。出浪中花赤松杳靄烟霞。近紫氣盤旋。福履遐。桃實千秋龍種獻。玉麟昨夜到王家。

陸師贄

題桂隱松遊壽華陽殿下

頭如蓬葆想。高皇王族中。軍自古強常是。啣杯同李白。不須食乳學張蒼。雲霞與到諸峯遍。風雨譚生徹夜狂。心內無營卽大藥。痴

人錯料有仙方

袁中道

奉賀華陽賢殿下

滿池荇藻綠芙蓉好似江南靜者車借我半
間溪上閣爲王箋註枕中書

袁祈年

奉賀華陽國主四袞壽旦

金門紫氣正流虹玉燭新調泰運隆菊放叢
枝聯桂殿月臨九數合乾龍蓮開濟濟千秋

社賦奏泱泱大國風我亦漁樵稱壽者荷衣
屣上舞青童

七十六儒臣田啟亮

送熊紫珍入覲 萬壽

紫禁虹流日月長萬方嵩祝向明光朝宗君領
爲江漢輯瑞人看盡紀綱迅別不堪蘭浦意壯
行猶進菊花觴承恩旋鎮知何日春滿天門景
正芳

秋杪入澧謁華陽殿下于函三園是日園

中正設醴酌陳真我真我於不肖故兒女
親而殿下於愚父子又屬世交遂振衣登
坐同飲夜分論心道故不勝往事之感漫
爲賦此

梁園詞賦有遐思入洛欣逢設醴期座啟星
屏瓊授簡舞迴仙樂幾傳卮虛堂夜色花如
繡繞檻寒光月欲垂話到往年先邸事澧蘭
芳芷更堪披

梁思泰

秒秋晤梁元中陳真我二別駕一荆郡一
岳郡二君俱珠崖而有松蘿之好梁君與
余爲兩世通家一時聚首三生良邁旋承
佳什見投不覺擊節和之

一徑霜華賸所思瓊旌不約共秋期已依棠樹
逢公器况是松蘿對酒卮岳郡郢雲情繾綣瓊
崖佩浦義交垂爲投今昔關懷句孔李遺風喜
再披

壬戌小春壽徐韶階恤部

同庚猶記定盟時初度知君四十期
鮮網遠揚明主德擁旄寧數謝
公奇橘橙香入懸弧景蘭芷情
關酌斗思籠鶴不須重致祝
于門陰德自龐禧

冬日龍清白郡侯見枉小園觀面遂成莫
逆喜而賦此

相思幾恐失相逢此日何緣携手同
投契敢當神物合論交全覺世情空
苔凝愛日曛屐暖楓颺晴颺暎酒紅
從此爲雲願徵逐一身寧隔洞

庭東

壽蔡元履中丞

帝賚惟良弼天家倚上公暫分三鎮重
軍綏五方戎開府臨江漢懸弧對華嵩
岳霧騰盼蠻台祉羨遵鴻緹室初陽
鬯宸樞過電紅明良康濟象元會
太和中柳作軍營色梅含仙籞風
南山詩競誦北斗酒誰同劇有岡阜
祝慙無羽翼通還憑飮餽句聊以致
微衷

初冬徐紹虹大叅携飲遇仙樓時初霽見

月
江城清迥處此日得佳遊月吐團圞影人醺縹
緲樓汀蘭分馥近平楚帶烟稠爲說仙家事神
飛到十洲

去冬移榼遇仙樓奉候敬一殿下小坐伏
承枉顧且賜佳什至今秋始次原韻勉和
二章謹錄扇頭請政用酬來雅

冬日餘幽賞孤城選勝遊江山堪拄笏盃酒
一登樓座上春風早雲邊樹色稠誰云仙路

遠舉自有滄洲

乘閒邀鶴馭奇遇得仙遊只此塵凡境居然
十二樓憑虛寒月媚映幙晚山稠回道入何
處吾將問十洲

觀燈一律

元宵佳景及昇平繡陌歡聲結錦棚殿閣懸
星銀鑰啟管絃催月玉蟾生烟花霞燦藏春
塢火樹晴薰不夜城歡劇厭厭真意愜恍疑
身世入瑤京

良競渡一律

端陽有例鬪龍舟此日何期續舊遊
棹影凌波人喝采鼓聲擘浪氣橫秋
笙歌魚躍垂楊渚談咲花香杜若洲
怪底斜陽催住槳歸途回首碧雲流

奉題函三園六首

有序

去秋迄今敬一殿下招飲函三園者數
數矣案牘旁午筆硯久廢幾不知騷雅
爲何物雖欲構一言鳴謝不能也夏杪

屬有采薪之憂杜門謝客日長偶暇始
拈不律聊展夙心乃若溪山之幽曠興
致之高逸競秀爭奇則又非管城子所
能描寫者古人謂詩中有畫畫中有詩
其然豈其然乎錄呈博咲并祈教政譬
之巴人下里而與春雪並奏也有捫舌
退已耳

名園成一榜函三一畫初分衆妙涵松峽紆
迴山擁翠蓮池映帶水接藍佳名貴帝錫常

瞻北秘訣仙留藉指南解識少文皆響意醉
遊那比臥遊酣
華館玄亭取次遊依稀朱邸卽丹丘四岢花
事瑤爲圃萬卷芸編玉作樓竹色雨餘添峭
蒨鶯聲樹底襍歌謳行園忽向滄浪水又挈
壺觴泛彩舟

丹崖蒼嶺綠楊津日日遨遊肯厭頻徑轉高
臺容傲睨橋回古木自精神飛觴隨處花成
市訪蹟徐探洞隔塵誰道年來知穡事閒閒

十畝築西鄰

但涉函園意故強錦城池館接天潢凌霄松
檜眠林鹿夾澗藤蘿護嶺凰磬韻時醒浮世
夢花魂每借令君香莫言歸去天街晚明月
紛紛已過墻

帝子園開西復東懸知丘壑在胷中輕輿出
沒疑緱嶺盡舸盤旋陋雪宮興寄漁樵開野
徑閒調絲管醉春風千尋璫樹連雲處道是
蓬萊路可通

巋然羅閣俯珠庭。內有真人不記齡。倚檻四
收蘭水碧捲簾。一送藥山青松間。絕磴雲生
石柳外。斜陽鶴唳汀。吾欲乘風向寥廓。願從
仙芡乞餘馨。

琴川徐待聘

邀徐紹虹桂園小集

風雨餘佳節。盤桓爽霽初。移樽香泛桂。薦果味
充蔬。譚劇交情見。詩思酒債舒。相將問明月。清
迥喜隨車。

八月十六日伏辱華陽殿下寵招。次日又
承佳什。何啻遊瑤宮。玉宇清徹。骨而香襲
肌也。次韻申謝。

玉宇雲開後。瑤臺月上初。一杯酬令節。五鼎
列嘉蔬。調豈巴人和。顏將楚客舒。天香携滿
袖。夜午尚停車。

徐待聘

九秋江上別徐紹虹大叅二首

楚天風景正宜秋。况是登臨興欲酬。傍澗自繁

音註
卷之四
叢菊秀乘槎偏急遠人遊此時惜別惟樽酒計
日揚休近五冕旒想到神京逢驛使折梅應寄
插萸儔

投契相逢恰一年詩盟酒格每聯翩花隨咲語
春和氣月共清光秋爽然宣化有聲偏福澧分
茅無補媿籌邊天顏顧問熊疆事黔蜀交憂最
可憐

甲子秋銜 命冊封榮府道經澧水承華
陽殿下以函三園詩紀惠教荅此志謝

桐聲蘭馥澧江津文采風流更絕倫一帙新
詩勞貺我持歸遍詫嶺南人
結因不結俗緣因勝事場中也置身栽竹種
花園景好讀過一紀一馳神

趙恂如

秋日趙守真星輶過澧余寄以三園小刻
佳什見畬藹然知已和韻柬之

鳳池聲價久津津飛雪詞華邁等倫爽日乘輶
過澧上擷蘭因念繫匏人

音譜
卷之四
未面譚心締夙因嗒然醒我夢中身函園景色
方相待倘得過從合有神

謝
過澧承華陽賢王殿下賜果途占四章志

明興江漢王諸姬文獻華陽雅白眉愛士憐
才誰復似東平河間好追隨

高風詹溯澧江湄忽送清芬佐酒卮不是賢
王能折節關門紫氣有誰知

梁園賓客滿簪裾珍品何當賜腐疎授簡無

能慙素食郵筒聊爾寄雙魚

香分太液璫漿冷味出雕盤露掌清
嚙罷欲將藜藿獻願推餘潤及蒼生

新安倪思輝

大廷尉倪實符銜 命經澧途間佳什過

獎和謝

浪說維城托姓姬守株長是愧鬚眉
遽車忽聽麟麟過恨不兼程負笈隨

使星頻見映江湄未共論文酒一卮
翻接詠成

流水調子期慙我負心知
泠泠爽籟洒衣裾堪咲嵇生懶又疎未剪蔬盤
惟贈果公儀原不嗜人魚

行輶興適秋容護取次蟾蜍影欲清一自高門
成永好祗看梁月慍平生

恭候華陽大國主千歲福履

運廻甲子一元周壽海重添不計籌銀漢月
從秋半朗玉樓人在鏡中遊香飄金粟清光
滿瑞靄蘭江紫氣浮澧浦只今成合浦仙明

應有夜明投

三祝華陽

三秋歲歲祝千秋秋滿園林萬寶收橘綠橙
黃晴日煖萸香菊綻晚風柔瑤池桃熟籌添
海玉井蓮開藕似舟天地鍾靈元不偶華陽
洞倚遇仙樓

周覽社主蓮居感陳蕃舊句喜賦

瓊宮瑤島靄千秋十四年來喜再遊醴酒尚
筵開北海平臺下榻敞南州山人白雪頭如

舊帝子朱紘調轉優亘古東平推樂善夷門
虛左媿非侯

楊錫

甲子冬日楊承軒老社過訪函三園尤憶
蓮居昔遊口占見惠次荅

三園媿我度春秋八十饒君續壯遊雲擁歲星
移漢座風颺郢雪到蘭州黃花相對懽如舊綠
蟻還浮興自優可怪平原惟十日重逢寧不勝
封侯

暮春潘恒震太守携尊見訪志謝

荒徑韶華看欲殘多君尊酒過盤桓但隨香信
尋花事幸有春顏貯藥欄咲藉東皇同作客可
無地主再傳餐相逢相契忘遲暮白月紛紛檻

外園

約潘恒震聽鸝

綠陰團處嘒黃鸝鼓吹詩腸聽正宜雖有隻柑
寧獨往還須五馬共相期窺人高下翻成態求
友分明助所思入夏送春才轉眼相逢莫惜酒

盈卮

暮春旣望潘恒震見枉函三園看花小酌
卽景

春光容易到荼蘼此日清遊未許遲宜客有情
雲攔雨識心多韻烏啼枝樽移香底斟饒味花
自開前看幾時淋漏乍驚穿戶月忍教分手觸
遐思

喜雨後寄潘恒震太守蓮

好雨如人願天公不惜恩三農歲有望一郡慶

相存頌德歸賢守維藩愧素飡聊將君子質持
贈侑勸言

喜雨篇 有引

澧不勝旱旱不浹旬苗卽稿民計拙向
天號泣而已癸亥夏不雨幾四十日水
禾就萎陸地盡龜坼父老相告徬徨莫
措郡大夫潘恒震雩禱備至甘澍隨應
余從衆亦禱不知伏炎益熾也雨至躍
足爲大夫頌之

音譜
卷之四
祝融銜火爍山川四境禾黍生青烟初伏徂秋
月再望赤霞沓氣彌郊阡農夫有汗如海决滴
滴不濕龜文田方士符龍入壺如今那得斯人
徒雷車一碾驚碧落瞥爾焦稿潤如酥借問此
雨胡爲乎回天之力郡大夫瞻雲漢飲澧水身
曝烈日日移晷痾瘵民瘼有如傷上帝安得不
爾爾我自憂時亦如此奈何不德亦非技黃雲
滿野合歌聲憂者喜兮病者起我有幾畝素園
陰樂觀閭潤動長吟因爲公祝祝復深願爲天

下普商霖

冬日彭翀之集諸友飲仙眠洲遙寄

醉仙一臥古沙洲仙去洲餘景自幽地色青青
莎褥穩江聲渺渺鶩波浮高春澹野人千戶愛
日披晴月滿舟喜共錢鑑能駐世十千命酒不
教愁

冬日同繼樂諸公小集仙眠洲承華陽殿

下以詩見示敬奉和

仙踪偶自臥芳洲洲得仙名景倍幽看竹人

家驚犬吠尋梅暘谷動香浮共喧古道迎驄
馬獨憶寒烟泊釣舟携手醉歸明月下陶然
身世復何愁

彭萬里

至日廖對鰲憲伯見枉小園賦謝

江漢澄清使者車偶分小隊過吾廬與飛看竹
登臨外景借吹葭暖霽初把臂若爲鄉曲重論
心轉覺世情虛不堪醜酒同拚醉羸得紛紛月
滿裾

長至日華陽殿下招飲函三園辱詩步韻
志謝

帝家池館集軒車更有幽園盡小廬芳草尚
饒霜落後蘭舟直泛月來初鄉心益覺交情
篤素味全疑世法虛惟是桂叢時散馥歸來
香氣滿襟裾

穿亭度嶺任輕車緩步還登隔水廬修竹遠
橫千頃外名花蚤發一陽初鳥魚習靜常親
客麋鹿忘機若走虛自是東平多別趣何嫌

終日曳長裾

蜀人廖起巘

廖對鰲鄉丈孟春旣日招飲次日有郢上
之行卽席賦別

條道相逢又別離
教人轉切故鄉思
梅花纔遂三春約
柳色驚攀二月枝
一曲尊前情拚醉
幾番話裏意如痴
洞庭湘浦原非遠
行部蘭江莫計時

華陽殿下惠詩贈別信筆法韻寄謝

何處驪歌悵別離
梁園芳艸繫愁思
塞帷古道纔三月
折柳長堤已二枝
良晤不多翻是恨
宿醒未解半疑痴
要知問俗重來日
矯首榴花欲吐時

廖起巘

廖對鰲鄉丈榮移黔中學憲暫還仙里賦
詩遙別情見乎詞

弭節重湖屬壯猷
衡文又喜藉南遊
印江且緩王尊馭
巴峽遙牽郭泰舟
黃鳥縈人頻睨眄
青

樽祖道阻綢繆更思曾訂重來約觸處嫌看照
眼榴重向風林猶澹文又喜將一試明
幾憑詩酒坐春風契合堪憐聲氣中如鴈嚙噉
飛忍異誕麟消息祝相同旬宣萬姓歌棠地培
植諸生望藥籠莫向東山圖斃臥 聖明方倚
濟時功

仲春三日儲水蓄鱗移花植景心覺爽然
子姓相酌牡丹亭下忽報吳門人還奉王
熊徐三公來翰不覺更添忻悅遂成口號

兼懷廖對鰲

一時三壁喜相投千里懷人共倡鼎館仍忘憂
情轉劇題聯叵勿句偏優花催富貴成今賞景
入清明憶舊遊更有新知歌郢上同心應醉仲
宣樓

余別灃陽十九年于茲矣每承華陽殿下
馳札相問爲憶函三園勝遊賦此寫懷并
謝相念

十九年來念舊游風塵搖落洞庭秋王孫芳

音譜
卷之四
草天涯路澤國書聲白鷺洲福地華陽仙子
洞滄江明月木蘭舟衡南千里無歸鴈幾度
相思欲倚樓

關門罷戰急歸與南楚侯王忽寄書每憶青
山懷故舊更憐白髮惜居諸勝游梁苑多詞
客病渴相如賦子虛騷雅一時稱絕盛綺筵
開處集瓊琚

金屋高居選勝偏名園標列素青玄洞庭萬
頃涵秋月西苑三皇接漢川茅土當年重錫

祚絲綸此日又旌賢寶文樓上勤披翰樂善
齋頭愛種蓮

山頭崢嶸點青藍倒影樓臺浸碧潭鴻業萬
年當混一兔園千畝號函三臨池染翰詩無
敵把盞凭欄酒自酣從昔賢王長設醴鄒陽
枚乘足清談

王在晉

馬北海繪竹扇頭見寄率賦短章爲會
一筵慙慙寫淇澳此君意氣相徵逐中虛外直

音言
卷之四
峙高標箇箇凌霄樹清郁假令風摧鐘磬敲旋
看雲護鸞凰宿憶昔偎依六載前叵勿亭邊秋
可掬今來仍把琅玕姿知余寧可食無肉

小詩奉上華陽殿下

分得天潢派雄藩澧水陽德堪光世緒威可
鎮封疆好客懸丹榻敲詩漱玉章龍標能對
晤翹首注賢王

周其昌

承敬一殿下邀集三園

賢王池館碧雲隈暇日招尋泛綠醅貪看異
書登邃閣欲攀芳樹上層臺萬竿竹是瀟湘
種十丈蓮從太華來倚檻漫裁枚乘賦林稍
日落且徘徊

籃輿野服鶴隨行曲榭輕航席屢更遶逕名
花皆舞蝶傍城高柳盡啼鶯春深似入山陰
道月下如聞子晉笙竟日近懽猶未遍却疑
人世在蓬瀛

韻語 卷之四
仲夏二日小園晤蔡五岳觀察扇頭見惠
佳什二章勉和

荒園湫隘枕城隈使節相過對濁醅興到不妨
頻看竹雨餘且復一登臺自憐爨木知音少誰
道冰絃合調來棠綠團陰搖夕霽清風相扇好
徘徊

綦履追隨遶徑行蒲觴茗椀任相更歌喧楚俗
雙飛鷓鷖醒詩脾並坐鶯最喜芝蘭方入室謾
言水竹有吹笙相逢原締三生果偃倚冰壺卽

是瀛

和蔡五岳禱雨篇

六月暑流金連旬日芒屨青苗實未成蒼山已
改色林林赤子心皇皇恐到極本以食爲天呼
天誰我植痾瘵賴上台神明藉夙德一雩風洒
清再日雲濛墨炎霄來甘霖驟爾溢溝洫天瓢
應精誠地脈轉生息玄哉人中龍幹旋不煩力
嗟我媿素飡杞憂恐難測民命喜得蕪澤流無
阻抑願推調燮功溥濟天下食

觀電東蔡五岳憲長

旱魃纔恣酸三農盡恐覓相薄物已極夜氣漸
蒸西燁燁有神物光芒與地齊瞻之失遠近竚
以覺高低河漢伏仍出花陰見復迷大哉彌世
界細矣若陂隄毫髮明無爽心胸何所稽恍惚
憶咫尺俯仰忘雲泥突爾居壁吟驚惶烏夜啼
嫣然投壺侶勝爲誰者妻我傷藕花下相對解
重裊願光燭我心消我心中墜殷殷若有鳴如
聞鼓與輦願掣化爲雨所照我淒淒佛作如是

觀我作如是題題觀揔繇人默然且吟兮

壽蔡五岳憲長二十韻

玉皇香案吏金粟是前身名世非常產從來有
報因斗牛垂間氣震澤浴精神蚤悟三乘妙圓
明一性真名山抽秘典麗藻揆奇珍射策攀丹
桂傳臚動紫宸七閩推宿應十異表疆淳聲價
燕臺重虞司偉績申賢才攄國計風采服朝紳
武庫金陵壯文章錦繡新兩都同著望百粵盡
敷仁憲節輝荆楚恩波溢澧濱郭公露冕地范

老記樓辰佛日驅氛速天花散雨頻指迷有細
帙造物轉鴻鈞鶴馭來仙侶龍章映寵綸矢忠
酬 聖主執法免冤民凜凜臺中栢巍巍海上
椿鸞脂和棗獻麟脯帶芝陳三祝華封意相期
千萬春

重陽前二日雅集蔡五岳小園賞菊

籬落秋英五色明好懷乘興喜相迎龍山不遠
誰吹帽荒徑爭先且泛觥盈把偏憐需臭味幾
回細看感萸情從來近節多風雨最愛江城得

此晴

席間承惠黃貞老便面依韻偶成

昨日風雲異今朝氣象清祇緣人後樂故使節
先明泛菊添豪况閒吟出世情且聆臨榻妙志
喜已盈盈

壽華陽殿下四十四初度

玉葉璫枝雨露偏陳思麗藻伯禽賢五車書
史先朝賜一代文章子政傳緱嶺吹簫頻下
鳳幔亭張讌集群仙君侯已得長生訣不羨

音言
卷之四
莊椿八百年

樂善佳名遍八荒
輸邊報主更先倡
梁園賓客皆才俊
楚澤芳蘭是國香
善作遠追司馬氏
風流不入鬪鷄場
周家同姓如君幾
帝寵絲綸出建章

蓬萊水淺海揚塵
瑤島群仙欲問津
漫道如瓜仙棗大
蟠桃爭獻壽千春

無煩卻老更還童
道術淮南有八公
乞與鼎邊丹幾粒
願同鷄犬入雲中

蔡善繼

潘恒震使君榮轉淩江司馬言別十韻

昭代分符彥循聲
君獨豪十行
天子詔五載
大夫褒安作群歌
袴痾瘵任理縑
鹿車春露冕
蠹簡夜熱膏水對
任棠味魚懸
羊續操交情
心久契別緒
首重搔司馬原名重
參熊佐治高先
聲蘓粵郡去思結
泮臯桃李安仁樂
甘棠召伯勞
冰心堪却暑
薰爽送旌旄

潘恒震瀕行未能郊別耿耿莫已再賦代

餞

衝暑驅炎分袂時五年交契重離思蓮開解語
猶含淚蟬噪驚秋更覺悲湖上月華人共見嶺
頭梅蕊信休遲殷勤漸望輶車遠釘餽柔腸漫
寄詩

春日小庄看桃花有懷潘恒震錄寄

桃塢探尋信步來春風吹面意徘徊青尊不惜
逡巡飲紅樹無端爛熳開情滿中原難縮地雲
深東粵試登臺年年賞處繇開落此際看花思

幾回

王河占鄉丈見枉三園卽席喜賦

兩載神交隔洞庭一朝傾蓋仰儀型荷花解語
迎人咲棠樹團陰喜客停座上壺冰炎盡釋尊
前霏玉酒爲醒邀懽不厭頻移席小艇肩輿取
次經

君把君山幾度遊錦江繡水接通流芙蓉人道
花千樹芳艸仙眠月一洲曲徑僻塢情外賞故
園舊國語邊收從來美是鄉中水此日因緣意

果投

憲伯王河占榮轉滇藩志賀并叙別懷

清風澄淨洞庭秋遙指江雲送別舟一載棠陰
歌蔽芾百年梓里意綢繆滇藩又看來旬化楚
甸還期開府籌把酒未能親執袂心隨茹水共
東流

夏日張景玄司理三園小集

西京勝蹟甲中華岳秀鍾靈屬大家劇論生春
情自洽清風却暑興偏賒大邦蘭契聯霄鳳僻

隅匏繫媿井蛙從此洞庭秋夜月好將詩思寄
涔涯

九谿暑中瞻注徂言二律

淑氣洪敷萬象熙錦堂晝靜日遲遲英標玉
立稱奇特雅度淵涵自坦夷寵錫九霄溥露
渥文來五采喬雲披有時叨預南皮宴對景
飛觴共賦詩

夏日偏長似小年梁園軒殿映花氈觴飛玉
羽親投轄詩綴瑤篇是謫仙瑞應湘沅晴日

麗香生蘭芷碧風鮮羨王丰度真堪仰漢室
中山不足賢

楊師時

丙寅餘夏楊霞城別駕見枉三園兼貽相
懷詩笺卽席依韻奉酬

隨車甘雨樂雍熙庭院梧陰晝轉遲晉代風流
兼博雅天門綏撫控華夷難兄已締金蘭契猶
子曾將錦藻披何幸更逢君義重漫勞清署寄
題詩

荒徑千章仍百年每從賞鑒席茵擅人如玉樹
親忘暑句擲金聲讀欲仙烽火夜郎音寄遠琴
書白下業期鮮乃兄仕滇乃
任肄業秣陵交情世篤心私慶
清白相傳夫子賢

九日小集楊霞城賞菊卽席口占兼懷乃

兄霞標

從來風雨媿重陽霽色初臨菊綵芳况有好朋
同雅會漫誇幕客自清狂床頭釀白堪浮斗枝
上萸紅可佩囊翹首秋旻情思極更憐賓至鴈

音言
成行

重陽後二日澧陽署中試士步華陽殿下
韻兼思學憲兄

九九相逢醉澧陽賞心最喜菊花芳未能汰
俗慚君顧豈免耽詩信我狂欲寄茱萸向鷄
足先愁薜荔入奚囊兄開絳帳滇雲末仲子
何知亦鴈行

楊師時

霞城分惠歌稚扇頭揮洒佳什令人應接

不暇欣服志喜仍用岳陽中秋之韻
臨池勢已聖寓意思皆工學富成原易情豪自
不全搖搖携素月個個被春風應接驚心目籬
花色與公

奉祝華陽殿下千秋

華陽以西楚之東天潢一派錫彤弓南極高
懸歌帝里文章事業喜相同古心古貌來天
地昂昂至樂涵空翠陶然汰俗意偏豪呼日
吸月五千字丹書綠玉豈爲名階前蘭桂連

音言
卷之四
雲生明光鳳下維城詔仙仙更羨起賢聲聊
將俚語憑裏素萬襖千齡無有數九如再歌
歌且觴年年一展君初度

楊師時

壽楊霞城誼丈

洞庭自是神仙里飄飄丰采仙中美筆掃烟雲
走蟄龍詞吐珠璣漏玄旨三秋萬寶畢告成華
筵敞處極星明愧我兼葭無所贈聊斟繡水祝
長生

雷夢鶴太史見訪小園卽事志喜

美人自南來采蘭渡澧水顧我函三園相逢成
知己貽以瓊華簪赤與碧媿嫩碧者韻鏗鏗赤
者光靡靡聯璧意已珍同聲契從此登我讀書
樓笥儲腹可侈扣之如洪鐘了了握大旨風流
懷晉代慷慨說太史秘閣已探奇散帙何足齒
曲徑漫追隨品題論紅紫素馨夏裏華丁香雨
中葢四時競作春聞亦飽吾耳綠醕釀正清酌
彼金紋兕聊以供懽娛殷勤壯行李此去木天

高無忘舊簪履指日調燮功明良歌喜起
華陽殿下開園恣遊輒來佳什賦謝
萬卷樓前酌玉彛如君高韻數伊誰方臨臺
奏江南曲輒采蘭歌澧水涪賓客好懷宜雪
苑贈遺詩雅逼陳思還將進酒應須賦可奈
才爲王粲嗤

雷躍龍

美人
奉教華陽殿下

秋清朱邸氣佳哉縹緲洞庭拂鏡開題檝新

承天語重移封舊籍地靈恢書藏二酉聯
東壁樓倚五雲接上台誰謂兔園難可到昨
聞太史一探來

陳欽命

冬日陳祗若孝廉雅晤賦謝仍用雷太史
韻兼懷荆藩諸宗侯

旭日相俛有客來迓禪不及共尊壘平生知己
蘭芬契半刻論心茅塞開自是風流情益重還
應博雅手憑裁蘄陽若遇吾儕問澧水苑人愧

菲才
蘭芬春日小園雅晤蔡五岳方伯時將移鎮鄖
賦日襄席間承約用扇頭董思白韻賦詩
一尊花下春光好不覺相逢又別愁霽色棠陰
看蔽芾香風蘭水咏清流此時知己同飛箏他
日懷人獨倚樓何幸鄖襄名勝地輕裘緩帶得
君侯

東華陽殿下西園看桃用董韻

積此嘉辰散客愁園林却在殿西頭花疑度

索山邊放人似桃源洞裏遊綺席正移鷹傍
檻新聲餘奏月當樓年來樂事今宵少其奈
春光不肯留

蔡善繼

春日餞別蔡五岳方伯謁三祝祠感賦

睽違音問二千里想像儀容十九年玉帶錦袍
新奕奕麟文鳳彩舊翩翩團陰棠底思前哲臭
味蘭叢起後賢每寄八行神亦往白雲黃鶴杳

晴川

秋日懷蔡五岳兼補祝意

北望天高峴首秋新涼幕府愜輕裘長庚久映
心先度明月相思夢更稠歲歲申生歌誕嶽遲
遲子墨當添籌何能揚竿譚心曲同醉仙人十
二樓

張鳳臯大司馬仗鉞經澧枉過見訪賦此

贈謝

司馬行邊氣正揚元戎四月過涪陽精神矍鑠
凌新息籌策神奇繼子房小醜怒螳當巨轍捷

音飛隼報明堂先聲壁壘皆增色夙昔原期定
夜郎

山斗懷思十有年此番相邁締天緣情投傾蓋
蘭同臭興藉飛觴席屢遷仗鉞鷹揚周曆盛酬
勲麟畫漢庭傳郊勞飲至堪僂指更喜重迎繡
水邊

呈新貢尖華陽殿下

送上一封新貢尖旋烹活火試雕檐不必盧
仝六七碗一盞卽呼彩筆拈

賴人張鶴鳴

閔昭余少司馬還朝便道過訪賦謝
昔日懷人寤寐通今過澧浦接元戎中朝簡注
徵裴相西夏威名憚范公風雨蒲尊聯小席咲
譚蘭畹發香叢從來知遇非容易山水何妨理
黹桐

丁卯端陽前二日餞別閔昭余謁過成山
生祠感賦

薰風此送大中丞公與同鄉感不勝一載旬宣
勞玉節五雲迢遞望金陵自憐簪盞星霜隔聊
采蒲香俎豆登祗爲交情多契合行看畏壘每
頻仍

丁卯夏日水泛小園駕舫兀坐忽枉戴今
梁方伯見訪奉留小酌喜賦

天吳虐侵小園荒舟次愁思晝轉長忽報旌旄
安道訪頓令故舊子猷狂已承郢雪先譚韻更
喜薰風共泛觴此去蠶叢重問俗芙蓉城畔是
吾鄉

音言
卷之四
奉謁華陽老殿下卽承佳報高吟見惠次
韻上謝

九溪色滿落天荒王子乘舟載興長叢桂久
依思入夢澧蘭一握喜偏狂探竒恍在山陰
道授簡仍飛北海觴自媿濫竽湯沐里懷人
芳艸白雲鄉

天柱山人戴燦

六月六日酌戴令梁方伯乃公懸弧之先
日也因賦小詩侑觴爲祝

夢寐勞人十五年今朝相會締天緣斗杓指素
庚星燦車騎臨荆弧日懸未可躋堂慙小子須
知聚首是神仙瑞隆平格還徵國椿筭棠陰滿
大千

誕日辱華陽殿下佳吟見祝奉謝

蘭芬傾蓋已多年忽謾驅車果夙緣流水匣
琴音自好桑蓬弧矢戶空懸祝同岡阜應難
和神倚淮南雅會仙曼倩稱觴何以獻卽看
朶實結三千

戴燦

過澧辱華國主招遊函三園飲愛蓮亭兼
賜佳刻雨中讀之裁俚言奉謝

捧檄西馳度澧城感君下榻舉瑶觥週遭金
谷長春曉潦倒蓮池沁骨清天上牙籤披雨
頌郢中雪調許誰賡梁園分手瞻何極日望
東華瑞藹生

蜀簡方養成

爨因赴試幸游九畹承恩重錫百朋敬賦

志感奉贈

澧有蘭兮王者香善爲大樂邁前芳仙音雅
結菁華社 帝命榮褒忠義坊玉節頻招君
子葦瓊花喜報狀元郎鯀生慚獻江頭水善
下何當百谷王

孔弘燮

重陽二律似華陽殿下詞宗政

深院沉沉雨半埋那能一上望鄉臺蕭條對
景傷秋酒羞澁登高作賦才菊瘦不堪珠露

冷蘭香空憶玉人來春風別有飛花洞相約
明朝次第開

多雨多風秋可傷一杯他席坐重陽強邀病
客黃花瘦愁對羈人白髮長明月暗收湘竹
泪輕烟細和澧蘭香幾回欲上高臺望直北
雲迷正渺茫

王世仁

九日齋居承王二溟藩伯見貽扇頭佳什
依韻勉和兼訂晤期

一鉢翻經名已埋良辰辜負說登臺清風過我
蒼苔徑佳句多君白雪才入耳獨饒雲磬響閉
門全謝酒樽來邀懽擬訂期三九更有秋英待
客開

時事于今祇自傷况經岑寂度重陽旬宜熊楚
來何暮咫尺龍門思却長高處囊萁多遇雨籬
邊種菊不聞香相逢定補登臨興漫指雲山隔
渺茫

華陽殿下修誦小詩奉贈

笙簫縹緲鶴翩躚重見朱門締善緣幃掛曇
花雲拂地經翻貝葉月當天纖塵不染生天
路一榻真如面壁年吾意欲遯身世外可容
相過共叅禪

王世仁

齊居繡佛忽王二溟贈詩如聆秘笈志喜
依韻奉和

難將短袖舞翩躚祇種菩提學結緣萬念頓灰
澄水月兩乘其演喜人天未憑因果酌今世且

感劬勞報昔年幸接大羅仙子近指迷半偈已
聞禪

華陽殿下長齋繡佛未諦所爲也漫投瓦
礫用博珠璣乃知大孝格天苦雨酸風悉
是祥雲瑞靄矣再賡一律仰祈斧政

祥雲瑞靄各翩躚雨泣風愁總善緣半炷心
香通洞府兩行血淚洒冰天梵音普度娑婆
世鶴夢來歸華表年孺慕終身真舜孝給孤
空自學遯禪

王世仁

余感劬勞日至繡佛報修先承王二溟藩
伯見貽水晶大士像因供之齋頭晨昏頂
禮將踰浹旬應禱孚夢未敢忘所自賦詩

代謝

色相原空誰妙裁補陀水月擁蓮臺一泓透徹
疑非相半壁光明見本來恭敬體具觀自在晨
昏心印絕塵埃宰官身應而爲法福果還將祝
上台

華陽殿下懸弧之日長齋繡佛不勝劬勞
之感小詩奉祝并頌

壽域初開十二樓瑞烟深帶佛香浮國人喜
似呼嵩日孝子思如陟屺秋舞席漫分桐葉
戲酒杯輕逗菊花愁須知樂善多餘慶海上
南山翠不收

王世仁

賤旦辱王二溟以詩見壽褒許過隆感愧
並集依韻爲謝

音言
卷之四
品
劬勞日倚望親樓重霧迷烟叠叠浮何補一千
石作屏無聞四十五爲秋松垣風雨添餘恨萱
砌婆娑惻寸愁私喜公門堪負笈涔臯桃李不
妨妝

昨殿下以嶽降之晨爲奉佛報母完日見
招甚感德也以時事敬辭聊賦一律爲謝
朱門綺席殿金華宴入蟠桃帝子家琪樹有
猿皆獻果瑤臺無鹿不啣花喜逢天上千秋
節會馭雲間七寶車地位清高風雨隔不妨

明日飯胡麻

王世仁

王二溟下車值余茹素未能申勺水之敬
甫舉奉迓又值公茹素禱晴且傳聞北音
因輟約期更辱佳什依韻畲謝

逃禪繡佛負年華咫尺門墻遠大家風雨無端
籬折菊吟哦有興筆生花心瞻北極思攀髯時
待南曦禱駐車霽色少需新氣象喜音又屬聽
黃麻

題德應陽春冊贈王二溟藩伯

楚澧今年逢沴宿巨浸穿城雨如溜萬家沉竈
欲爲魚百里呼天誰可救墻傾屋倒未支持祝
融肆虐重災邁黃雲未布稻少收白粲如珠多
貴賈人愁累月寂無歡城圯數方宵入寇倒懸
疾苦未全甦夏徂秋來惟望後何期九月雨連
旬終日傾盆雲更驟捷足何堪踏地泥大手那
能補天漏有緣幸得福星來賜以神明是天祐
下車便問下民情百度維新重振舊雨傷蕎粟

爲民憂熱香虔對蒼穹叩一念感動轉晴光方
寸真誠回氣候丹悃應同天地心至人原秉山
川秀陽明寶鑑久存衷調燮工夫藏在袖日來
爽霽瀟湘開秋杪如春和宇宙父老顏開子弟
嬉頌歌齊向公庭祝卽看鳳翥入樞衡羽翼龍
飛扶哲后一日風雲聚會間五百昌期天所授
塩梅舟楫鼎台榮噓嚙蒼生增國壽

九月三九日得晤還白宗侯見示候王藩

伯佳什據案用韻爲贈

繫匏蕞爾守藩封風雨黃花愁事重忽有美人
佳日過却憐同姓各天逢江湖襟帶源流遠洞
石嶙峋秀氣鍾信是吾家多隆準西南又見起
人龍

初謁華陽賢老殿下得瞻西園勝槩更荷
賜饌惠言用韻酬會

高木虬枝簇四封梁園樓閣隱重重詩成帝
子誇常調禮接家人忻乍逢仰頌贈言皆屑
玉暫聆清響識洪鐘漢庭鴻寶如相示風雨

聲中好畫龍

江川統飾

旣日兀坐還白宗侯以詩見寄仍用前韻
始知昨誤鍾字重訂就正亦志繾綣耳時
聞乃弟又捷棘圍并志喜

秋杪閒庭雨色封珠璣錯落意重重漫言身世
寰中寄且喜親情社裏逢蠡水從來多國器廬
山應已悟禪鐘二難並美賢書信自此雲霄翊
六龍

楊霞標契丈十年間別入賀繇澧枉集小
園時乃弟霞城別駕暨諸郎僭同聚志喜
二首

晴看嘹唳鴈南飛忽報星軺詣紫薇十載睽違
憐把袂三千迢遞縮征衣况兼兄弟天涯合更
聚交游雲外歸雖愧平原東道日豈將奇會等
閒違

幾年南服握文衡指日嵩呼覲

聖明道取蘭

江寧熟路人逢株守迥常情園亭寂寞知迎笑
樽酒荒涼喜續盟調燮此行需雨露楚偏須記
有鰈生

丁卯秋晤華陽賢藩吟壇小作奉謝

繡澧江頭值小春蘭芬何意得重紉主能擁
篲迎多士菊尚留香待遠人亭院孤清今視
昔交情綢疊故兼新喜從鴻寶探佳句色挾
風霜字字真

再晤大賢藩敬翁時弟俱在座小作奉謝
十年踪跡嘆浮萍今日重逢眼倍青况是鵲

鷓鴣相伴日更携
龍馬聚爲星
秋明寶樹枝
枝秀月暎天潢曲
曲靈湘芷正香
蘭正茂
寒芳詎可獨能醒

楊師孔

冬日喜晤黔南諸友漫賦兼懷楊山子良契

霽色初開應小陽
盍簪喜已逾
尋常文星相聚
奇談麈酒政何妨
痛舉觴
指點霜林花是葉
悠揚羽調月爲裳
此番難美情同愜
心繫良朋思

轉長

送徐謙所太守入覲

去歲相逢菊始殘
此時分手覺輕寒
炎陰荏苒嗟
虎度丰采溫和
幸接權輯玉連
鑣瞻闕近旋輶
露冕帶春寬
最憐話別非樽酒
澧水清清祇
擷蘭

過蘭江遊華邸漫賦二首奉贈敬翁殿下
詞壇求郢

王家邸第有光輝
暎帶葱菁薄翠薇
三徑烟

霏深窈窕千章雲靄蔭芳菲生花彩筆關飛
動韻玉清音叶指揮漫道風流堪授簡獨憐
大雅賦緇衣

西來紫氣接衡廬鉅麗宏開帝子居蒼蔚拂
雲凰在嶺漣漪映月玉爲渠梁園春雪紛相
競鄴下雄風較有餘之子擷蘭驕浪洽曳裾
長嘯意何如

匡廬吳道長

至前二日得晤吳星海佳什見投用韻賦

畬

至人汗漫等蘧廬勝日相過問索居道在不妨
蘭作紉陽生正待瑄爲噓詩篇豪宕青蓮並譚
吐諛諧曼倩餘我亦牢騷無限意從君執手更
何如

嘉平朔日小集王二溟藩伯以申前約是
日拜表北上詩以促之

咫尺龍光山斗懸幾番情款接詩篇籬花須讓
江梅勝秋月寧如愛日妍秉禮已闕新奉詔效

高纜展始裁箋明朝跂望來車從茅塞荒園摠
締緣

華陽殿下以表賀日走詩招飲步韻奉

謝

帝子高堂白玉懸敢遲趨走負新篇雲遮曲
徑春先到梅發深宮色更妍天語乍來丹
鳳詔嵩呼重覲彩霞箋皇恩處處欣供奉
始信波臣別有緣

世仁具艸

雪日偶占似二溟印可

年來三白見偏遲此際年前雪正宜梅放幾株
渾玉骨花飛六出盡冰姿多君有脚春先到愧
我無才句每癡倘是剡溪豪興動莫令安道悵
良期

梅雪咏賡和敬一殿下

梅花開後見疑遲尚未殘時也自宜春色先
占瓊作瑞香風暗引玉爲姿調高郢上歌難
和棹發山陰興未癡若使習家多置酒不妨

重訂夜來期

奉和華陽殿下巖韻呈政

六出纔飛也覺遲
瓊瑤交映更相宜
枝頭未果黃金色
嶺上先花白玉姿
覓句騎驢非是癖
高眠閉戶豈因癡
郇厨若有平原酒
漫醉何妨十日期

三吳草莽臣袁芳

季冬七月初雪恭謁華陽大國主詞壇政

久慕河間勝今從帝胄遊
名藩開澧水玉葉自邛州
典籍先朝富文章今代優
不才蓬累士何幸侍君侯

曳裾初相晤梁園飛雪時
塵談皆玉屑漢殿摠瓊枝
鄒枚應有賦子建自工詞
何時叨授簡別館共追隨

花源江禹疏

桃源歌爲江袁二友賦

桃源洞在鼎之濱
中有居人稱避秦
誰遣落花

隨水出捕漁容易遂通津秦去晉兮歲可攷須
吏返棹迷芳艸洞深人遠又多時惟有山川青
不老漁郎未可比江郎江郎生長桃花岡彩毫
如椽世所用清明之際休荒唐姑蘓袁郎夙仙
侶探奇衡岳遊花渚千秋奇蹟尺幅間筆底烟
霞如居處澧水之上饒蘭蘅神仙窟宅有佳名
二子得共論奇事况遇緱山子晉笙我去桃源
誠咫尺株守神遊嘆今昔又與江郎聯世交相
逢漫道躄幽僻欲倩袁郎寫洞真江郎爲我賦
花神我亦飢餒贈君子莫使桃花空咲人

壽王二溟藩伯

貞下元來秀獨鍾泰交初度實奇逢青皇喜信
傳三旦紫氣氤氳自九重署裏梅花清似鶴日
邊華彩巧成龍稱觴聊效華封祝綠髻烏紗轉
少容

想像梅花似玉人明時惟嶽慶生申龍飛盛會
真千載鳳曆王春又一新道泰溥天開壽城陽
升大地轉洪鈞已知芳蹟垂青史會曳星辰近

紫宸

五湖清淑一腔羅兵甲胄中范老多扶日今秋
回地脉洗兵前歲挽天河金湯固壁功非小玉
壘標名事不磨壽國壽民延上壽巍巍勲業壓
西峩

國家元氣由公壯更喜公顏勝壯年一片丹心
能報主九霄大手早擎天甘霖泄海扶明世舟
楫乘時濟大川指日丹青表麟閣共誇元老是
神仙

季冬飲華陽千歲梅花樹下因有十里梅
之思以俗吏未成句而於八之日六出花
飛作俚語以供一咲

何當吏俗不可醫餘清尚有奇香送千秋知
已影橫斜群玉枝頭歌求仲值今見雪更憶
梅梅花聲裡誰堪弄片片俱是心上綺無色
肯使芳心動從前梅雪詩無數我有一種超
於衆韻暗冷醉沁腎脾沉醉歸來猶入夢

谿雲隱吏楊師時

年前見雪方與二三社友登樓清賞忽枉
楊霞城貽詩喜而會此酒醜來歸人
何煩凍筆走龍蛇貽我樓頭煖覺賒共對尊前
浮竹葉驚看紙上賦梅花人歌半刺功全賴雪
報豐年兆已誇誼屬通家心更喜謾將短句報
瑤華



